

皇
海

皇

山海經第六

晉郭璞傳
明吳瑄校

海外南經

地之所載六合之間

四方上下為六合也

四海之內照之以日

月經之以星辰紀之以四時要之以太歲神靈所生

其物異形或夭或壽唯聖人能通其道

言自非窮理盡性者則不

能原極其情變

海外自西南陬至東南陬者

陬猶隅也音騶

結匈國在其西南其為人結匈

臆前臑出如人結喉也

南山在

其東南自此山來蟲為蛇蛇號為魚

以蟲為蛇以蛇為魚一日

南山在結匈東南比翼鳥在其東其為鳥青赤似兩
鳥比翼一曰在南山東

羽民國在其東南其為人長頭身生羽能飛不能遠

也人一曰在比翼鳥東南其為人長頰啓筮曰羽民之

首有神人二八連臂為帝司夜於此野晝隱夜見在羽民

東其為人小頰赤肩當脾上正赤也盡十六人疑此後人所

畢方鳥在其東青水西其為鳥人面一脚一曰在二

八神東

謹頭國在其南其為人人面有翼鳥喙方捕魚謹堯

有罪自投南海而灰帝憐之使其一曰在畢方東或堯臣

子居南海而祠之畫亦似仙人也

曰謹朱國

厭火國在其國南獸身黑色生火出其口中言能吐

獼猴而一曰在謹朱東黑色也

三株樹在厭火北生赤水上其為樹如栢葉皆為珠

一曰其為樹若彗如彗星狀

三苗國在赤水東其為人相隨昔堯以天下讓舜三

有苗之民叛入一曰三毛國苗之君非之帝殺之

載國在其東音秩亦音替其為人黃能操弓射蛇大荒經云此國

自然有五一曰載國在三毛東穀衣服

貫匈國在其東其為人匈有竅尸子曰四夷之民有

貫匈者有深目者有

山海經卷之六
長肱者黃帝之德常致之異物志曰穿匈之一日在國去其衣則無自然者蓋似效此貫匈人也

載國東

交脛國在其東其為人交脛

言脚脛曲戾相交所謂雕題交趾者也或作頸

其為人交頸而行也 一日在穿匈東

不灰民在其東其為人黑色壽不灰

有員丘山上有不灰樹食之乃

壽亦有赤泉飲之不老 一日在穿匈國東

岐舌國在其東

其人舌皆岐或云支舌也

一日在不灰民東

崑崙墟在其東墟四方

墟山下基也

一日在岐舌東為墟

四方羿與鑿齒戰於壽華之野羿射殺之在崑崙墟

東羿持弓矢鑿齒持盾

鑿齒亦人也齒如鑿長五六尺因以名云

一日戈

未詳

三首國在其東其為人一身三首一日在鑿齒東

周饒國在其東其為人短小冠帶

其人長三尺穴居能為機巧有五穀

一日焦僥國在三首東

外傳云焦僥民長三尺短之至也詩含神霧曰從中州以

東西四十萬里得焦僥國人長尺五寸也

長臂國在其東捕魚水中兩手各操一魚

舊說云其人手下垂

至地魏黃初中玄菟太守王頎討高句麗王宮窮追之過沃沮國其東界臨大海近日之所出問其耆老海東復有人否云嘗在海中得一布褶身如中人衣兩袖長三尺即此長臂人衣也 一日在焦

僥東捕魚海中

狄山帝堯葬于陽

呂氏春秋曰堯葬穀林今陽城縣西東阿縣城次鄉中楮陽縣湘亭

南皆有堯冢

帝嚳葬于陰

縣城南臺陰野中也音酷丘

有熊羆文虎

彫虎也尸子曰中黃伯余左

離朱

木名也見莊子視肉

吁咽

所未詳也文王皆葬其所

今圖作赤鳥而山海經往往復見之者蓋以聖人久於其位仁化

廣及恩洽鳥獸至於殂亡四海若喪考妣無思不哀

起土為冢是以所在有焉亦猶漢氏諸遠郡國皆有天子廟此其遺象也

一曰湯山一曰爰有熊羆文虎雉豹離朱鳴父

鳴父

屬之視肉虐交

所未詳也其范林方三百里

言林木汜濫布衍也

南方祝融獸身人面乘兩龍

火神也

山海經第六

山海經第七

海外西經

海外自西南陬至西北陬者

滅蒙鳥在結匈國北為鳥青赤尾

大運山高三百仞在滅蒙鳥北

大樂之野夏后啓于此儻九代

九代馬名儻謂盤作之令舞也

乘兩

龍雲蓋三層

層猶重也

左手操翳

羽葆也

右手操環

玉空邊等為環

佩玉璜

半壁曰璜

在大運山北

歸藏鄭母經曰夏后啓亦御飛龍登于天吉明啓亦

晉郭璞傳
明吳瑄校

也仙一曰大遺之野大荒經云大穆之野

三身國在夏后啓北一首而三身

一臂國在其北一臂一目一鼻孔有黃馬虎文一目

而一手

奇肱之國肱或作弘音羈在其北其人一臂三目有陰有

陽乘文馬陰在上陽在下有鳥焉兩頭赤黃色在其

旁其人善為機巧以取百禽能作飛車從風遠行湯時得之于豫州界中即壞之不以示人後十年西

風至復作遣之形天與帝至此爭神帝斷其首葬之常羊之

山乃以乳為目以臍為口操干戚以舞干盾戚斧也是為無首之

民

女祭女戚在其北居兩水間戚操魚鮪鮪魚屬祭操俎

几肉鴛鳥鷓鳥次瞻兩音其色青黃所經國亡此應禍之鳥即今梟鵠鷓

類之在女祭北鴛鳥人面居山上一曰維鳥青鳥黃鳥

所集

丈夫國在維鳥北其為人衣冠帶劍殷帝太戊使王孟採藥從西王

毋至此絕糧不能進食木實衣木皮終身無妻而生二子從形中出其父即死是為丈夫民

女丑之尸生而十日炙殺之在丈夫北以右手鄣其

面蔽十日居上女丑居山之上

巫咸國在女丑北右手操青蛇左手操赤蛇在登葆

山羣巫所從上下也採藥往來

并封在巫咸東其狀如彘前後皆有首黑今弩弦蛇亦此類也

女子國在巫咸北兩女子居水周之有黃池婦人入浴出即懷妊矣

若生男子三歲輒死周猶繞也離騷曰水周于堂下也一曰居一門中

軒轅之國在此窮山之際其不壽者八百歲其國在

也大荒經曰在女子國北人面蛇身尾交首上窮山

在其北不敢西射畏軒轅之丘言敬畏黃帝威靈故不敢向西而射也

在軒轅國北其丘方四蛇相繞繚繞此諸天之野音天

妖鸞鳥自歌鳳鳥自舞鳳皇卵民食之甘露民飲之

所欲自從也言滋味無所不有所願得自在此謂天野也百獸相與羣居

在四蛇北其人兩手操卵食之兩鳥居前導之

龍魚陵居在其北狀如狸或曰龍魚似狸一角一曰鰕音退即有

神聖乘此以行九野九域之野一曰鼈魚鼈音惡在天野

北其為魚也如鯉

白民之國在龍魚北白身被髮言其人體洞白有乘黃其狀

如狐其背上有角乘之壽二千歲周書曰白民乘黃似狐背上有兩角

即飛黃也淮南子曰天下有道飛黃伏皂

肅慎之國在白民北有樹名曰雄或作雜常先入伐帝

於此取之其俗無衣服中國有聖帝代立者則此木生皮可衣也

長股之國在雄常北被髮國在赤水東也長臂人身如中人而臂長二丈以類

推之則此人脚過三丈矣黃帝時至或一曰長脚或曰長脚人常負長臂人入海中捕魚也

有喬國今伎家
喬人蓋象此身

西方蓐收左耳有蛇乘兩龍金神也人面虎爪
白毛執鉞見外傳

山海經第七終

山海經第八

海外北經

海外自東北陬至西北陬者

無脊之國音啓或
作絜在長股東為人無脊脊肥腸也其
人穴居食土

無男女死即埋之其心不
朽死百廿歲乃復更生

鍾山之神名曰燭陰燭龍也是燭
九陰因名云視爲晝暝爲夜吹

爲冬呼爲夏不飲不食不息息爲風息氣
息也身長千里

在無脊之東其爲物人面蛇身赤色居鍾山下淮南
子曰

晉郭璞傳
明吳瑄校

龍身一足

一目國在其東一目中其面而居一日有手足

柔利國在一目東為一人一手一足反膝曲足居上

一手反卷曲也一云留利之國人足反折

共工之臣曰相柳氏共工霸九州者九首以食于九山頭各自食

一山之物言相柳之所抵厥為澤谿抵觸厥掘也音擷禹殺

相柳其血腥不可以樹五穀種禹厥之三仞三沮掘塞

之而土三沮滔言其血膏浸潤壞地乃以為眾帝之臺言地潤濕唯可積土以為臺觀

在崑崙之北此崑崙山在海外者柔利之東相柳者九首人面

蛇身而青不敢北射畏共工之臺臺在其東臺四方

隅有一蛇虎色首衝南方衝猶向也

深目國在其東為人舉一手一目一作日在共工臺東

無腸之國在深目東一作南其為人長而無腸為大腹內

無腸所食之物直通過

聶耳之國在無腸國東使兩文虎為人兩手聶其耳

言耳長行則以手攝持之也音諾頰反縣居海水中縣猶邑也及水所出入

奇物言盡規有之兩虎在其東

夸父與日逐走入日言及日于將入也逐音胄渴欲得飲飲于河

渭河渭不足北飲大澤未至道渴而歿弃其杖化為

鄧林夸父者蓋神人之名也其能及日景而傾河渭豈以走飲哉寄用于走飲耳幾乎不疾而速不

行而至者矣此以一體為萬殊存亡代謝寄鄧林而遞形惡得尋其靈化哉

博父國在聶耳東其為人大右手操青蛇左手操黃

蛇鄧林在其東二樹木一曰博父禹所積石之山在

其東河水所入河出崑崙而潛行地下至葱嶺復出注鹽澤從鹽澤復行南出于此山而

為中國河遂注海也書曰導河積石言時有壅塞故導利以通之

拘纓之國在其東一手把纓言其人常以一手持冠或曰纓宜作纓

一曰利纓之國尋木長千里在拘纓南生河上西北

跂踵國跂音企在拘纓東其為人大兩足亦大其人行脚跟不着地也孝經鈞命訣曰一日大踵焦僥跂踵重譯款塞也

歐絲之野在大踵東一女子跪據樹歐絲言歐桑而吐絲蓋吞

也類三桑無枝在歐絲東其木長百仞無枝言皆長百仞也

范林方三百里在三桑東洲環其下洲水中可居者環繞也

務隅之山帝顓頊葬于陽顓頊號為高陽家今在濮陽故帝丘也一日項丘縣城門外廣陽里中

九嬪葬于陰嬪婦一曰爰有熊羆文虎離朱

鷓久視肉

平丘在三桑東爰有遺玉遺玉玉石青鳥視肉楊柳甘柶

其樹枝幹皆赤黃華白葉黑實呂氏春秋曰其山之東有甘柶焉音如柶梨之柶甘華亦赤

華百果所生在兩山夾上谷二大丘居中名曰平丘

北海內有獸其狀如馬名曰駒駼陶塗兩音見爾雅有獸焉

其名曰駮狀如白馬鋸牙食虎豹周書曰義渠茲白茲白若白馬鋸牙

其狀如馬名曰駒駼

其名曰駮狀如白馬鋸牙

其狀如馬名曰駒駼

其狀如馬名曰駒駼

食虎豹按此二說與爾雅同有素獸焉狀如馬名曰蚤蚤即蚤蚤鉅虛也

一走百里見穆天子傳音卯有青獸焉狀如虎名曰羅羅

北方禺彊人面鳥身珥兩青蛇踐兩青蛇字玄冥水神也莊周

曰禺彊立于北極一曰禺京一本云北方禺彊黑身手足乘兩龍

平丘之山其木多棗栗

食肉

一曰其木多棗栗

其木多棗栗

山海經第八終

山海經第九

海外東經

海外自東南陬至東北陬者

嗟丘音嗟或作髮爰有遺玉青馬視肉楊柳甘柎甘華甘

果所生在東海兩山夾丘上有樹木一曰嗟丘一曰

百果所在在堯葬東

大人國在其北為人大坐而削船一曰在嗟丘北

奢比之尸在其北亦神名也獸身人面大耳珥兩青蛇珥以

晉郭璞傳
明吳瑄校

蛇貫耳也音一曰肝榆之尸在大人北

君子國在其北衣冠帶劍食獸使二大虎在旁其人

好讓不爭有薰或作董華草朝生夕死一曰在肝榆之

尸北

重垂在其北音虹各有兩首棘也一曰在君子國北

朝陽之谷神曰天吳是為水伯在重垂北兩水間其

為獸也八首人面八足八尾皆青黃大荒東經

青丘國在其北其人食五穀衣絲帛其狐四足九尾一曰在朝

陽北汲郡竹書曰栢抒子征于東海及三壽得一狐九尾即此類也

帝命豎亥步自東極至于西極五億十選豎亥健行人選萬也

九千八百步豎亥右手把算左手指青丘北一曰禹

令豎亥一曰五億十萬九千八百步詩含神霧曰天地東西二億三

萬三千里南北二億一千五百里天地相去一億五萬里

黑齒國在其北東夷傳曰倭國東四十餘里有裸國

也異物志云西居為人黑食稻啖蛇一赤一青一作

蛇在其旁一曰在豎亥北為人黑手食稻使蛇其一

蛇赤下有湯谷谷中水熱也湯谷上有扶桑扶桑木也十日所

浴在黑齒北居水中有大木九日居下枝一日居上

枝莊周云昔者十日並出草木焦枯淮南子亦云堯

羿焉畢日鳥焉落羽者也歸藏鄭母經云昔者羿善射畢十日果畢之汲郡竹書曰胤甲即位居西河有

妖孽十日並出明此自然之異有自來矣傳曰天有
十日日日之數十此云九日居下枝一日居上枝大荒
經人云一日方至一日方出明天地雖有十日自使
以次第迭出運照而今俱見為天下妖災故羿稟堯
之命洞其靈誠仰天控弦而九日潛退也假令器用
可以激水烈火精感可以降霜回景然則羿之鏢明
離而斃陽鳥未足為難也若搜之常情則無理矣然
推之以數則無往不通達觀之客宜領其玄致歸之
冥會則逸義無礙矣
雨師妾在其北
屏翳也其為人黑兩
手各操一蛇左耳有青蛇右耳有赤蛇一日在十日

北為人黑身人面各操一龜

玄股之國在其北
解以下盡黑故云
其為人衣魚
以魚皮食為衣也

驅驅水鳥也音夢使兩鳥夾之一曰在雨師妾北

毛民之國在其北為人身生毛
今去臨海郡東南二千里有毛人在大海

州島上為人短小面體盡有毛如猪能穴居無衣服
晉永嘉四年吳郡司鹽都尉戴逢在海邊得一船上
有男女四人狀皆如此言語不通送詣丞相府未至
道灰唯有一人在上賜之婦生子出入市井漸曉人
語自說其所在是毛民也大
一曰在玄股北
荒經云毛氏食黍者是矣
食果草實也
或曰教民一

勞民國在其北其為人黑

日在毛民北為人面目手足盡黑

東方勾芒鳥身人面乘兩龍
木神也方面素服墨子曰昔秦穆公有明德上

帝使勾芒賜之壽十九年

山海經第九終

山海經第十

海內南經

海內東南陬以西者

從南頭起之也

甌居海中

今臨海司寧縣即東甌在岐海中也音嘔

閩在海中

音旻其西北

有山

閩越即西甌亦在岐海中郡是也

一曰閩中山在海中

三天子鄩山

音章在閩西海北

今在新安歙縣東今謂之三王山浙江出其邊

也張氏土地記曰東陽永康縣南四里有石城一曰山上有小石城云黃帝會遊此即三天子都也

在海中

晉郭璞傳
明吳瑄校

桂林八樹在番禺東

八樹而成林信其大也番禺今番禺縣

伯慮國

未詳離耳國也 鑊離其耳分令下垂以為飾即儋

蝦蚌及諸蕪也 彫題國

點涅其面畫體為鱗采即鮫人也 北胸國

鬱水南鬱水出湘陵南海一曰相慮

臯陽國在北胸之西其為人人面長唇黑身有毛反

踵見人笑亦笑左手操管

周書曰州靡髮髯者人身反踵自笑笑則上唇掩其

面爾雅云髣髴大傳曰周書成王時州靡國獻之海內經謂之贛巨人今交州南康郡深山中皆有此物

也長丈許脚跟反向徒走被髮好笑雌者能作汁酒中人即病土俗呼為山都南康今有贛水以有此人

因以名水猶大荒說地有域人

兕在舜葬東湘水南其狀如牛蒼黑一角

蒼梧之山帝舜葬于陽

即九疑山也禮記亦曰舜葬蒼梧之野 帝丹朱

葬于陰

今丹陽復有丹朱冢也竹書亦曰后稷放帝朱于丹水與此義符丹朱稱帝者猶漢山陽

公死加獻 汜林方三百里在狺狺東

或作狺狺狺狺字同耳 狺狺

知人名其為獸如豕而人面

周書曰鄭郭狺狺者狀如黃狗而人面頭如雄

雞食之不昧今交州封溪山狺狺土俗人說云狀如豚而後似狗聲如小兒啼也 在舜葬西

狺狺西北有犀牛其狀如牛而黑

犀牛似水牛猪頭在狺狺知人名之

西北庫脚三角

夏后啓之臣曰孟涂是司神于巴人

聽其獄訟請訟為之神主 請訟

于孟涂之所

今斷也 其衣有血者乃執之

不直者則見于衣 是

請生

言好生也

居山上在丹山西丹山在丹陽南丹陽居

屬也今建平郡丹陽城秭歸縣東七里即孟涂所居也

窳窳龍首居弱水中在狺狺知人名之西其狀如龍

首食人窳窳本蛇身人面為貳負臣所殺復化而成此物也有木其狀如牛河

玉版說芝草樹生或如車馬或如龍蛇之狀亦此類也引之有皮若纓黃蛇言

之皮剝如人冠其葉如羅如綾其實如藥藥木名或

纓及黃蛇狀也其木若藍藍亦木名未詳其名曰建木在

窳窳西弱水上建木青葉紫莖黑花黃實

氏人國音觸抵在建木西其為人人面而魚身無足

盡曾以上人曾以下魚也

巴蛇食象三歲而出其骨君子服之無心腹之疾今

方蟠蛇吞鹿鹿已爛自絞于樹腹中骨皆穿鱗甲間出此其類也楚詞曰有蛇吞象厥大何如說者云長

千其為蛇青黃赤黑一曰黑蛇青首在犀牛西

旄馬其狀如馬四節有毛穆天子傳所謂毫馬者亦有旄牛在巴蛇

西北高山南

匈奴一日獫狁開題之國音提列人之國並在西北三國並在旄馬

北西

山海經第十終

山海經第十一

海內西經

海內西南陬以北者

貳負之臣曰危危與貳負殺窳窳帝乃梏之䟽屬之

山梏猶繫縛也古沃切桎其右足桎戒也反縛兩手與髮并髮合縛之也

繫之山上木在開題西北漢宣帝使人上郡發盤石室中得一人跽裸被髮

反縛械一足以問羣臣莫能知劉子政按此言對之

宣帝大驚於是時人爭學山海經矣論者多以爲是其尸象非真體也意者以靈怪變化論難以理測物稟異氣出于不然不可以常運推不可以近數揆矣

晉郭璞傳
明吳瑄校

魏時有人發故周王冢者得殉女子不死不生數日
時有氣數月而能語狀如廿許人送詣京師郭太后
愛養之恒在左右十餘年太后崩此
女哀思哭泣一年餘而死即此類也

大澤方百里羣鳥所生及所解百鳥於此生在鴈門
北鴈門山鴈出其間在高柳北

高柳在代北

后稷之葬山水環之在廣都在氏國西

流黃豐氏之國中方三百里言國有塗四方塗中有

山在后稷葵西

流沙出鍾山西行又南行崑崙之墟西南入海黑水

之山今西海居延澤尚書所謂

東胡在大澤東
夷人在東胡東

貊國在漢水東北今扶餘國即濊貊故地在長城北

珠如酸地近于燕滅之

孟鳥亦鳥名也在貊國東北其鳥文赤黃青東鄉

海內崑崙之墟在西北言海內者明海帝之下都崑

崙之墟方八百里高萬仞皆謂其墟基廣輪之高庫

耳自此以上二千五百餘上有木禾長五尋大

五圍木禾穀類也生黑水之面有九井以玉為檻檻

面有九門門有開明獸守之百神之所在在八隅之

巖

在巖間也

赤水之際非仁羿莫能上岡之巖

言非仁人及有才藝

如羿者不能得登此山之岡嶺巉巖也羿嘗請藥西王母亦言其得道也羿一或作聖

赤水出東南隅以行其東北西南流注南海厭火東

河水出東北隅以行其北西南又入渤海又出海外

即西而北入禹所導積石山

禹治水復決疏出之故云導河積石

洋水黑水出西北隅以東東行又東北南入海羽

民南

弱水青水出西南隅以東又北又西南過畢方鳥東

西域傳鳥弋國去長安萬五千餘里西行可百餘日至條枝國臨西海長老傳聞有弱水西王母云東夷傳亦曰長城外數千里亦有弱水皆所未見也淮南子云弱水出窮石窮石今之西郡那丹蓋其派別之

源

崑崙南淵深三百仞

靈淵

開明獸身大類虎而九首皆

人面東嚮立崑崙上

天獸也銘曰開明為獸稟資乾精瞪視崑崙威振百靈

開明西有鳳凰鸞鳥皆戴蛇踐蛇膺有赤蛇

開明北有視肉珠樹文玉樹

五彩玉樹玕琪樹屬也吳天

璽元年臨海郡吏伍曜在海水際得石樹高二尺餘莖葉紫色色詰曲傾靡有光彩即玉樹之類也于其兩

音不死樹

言長生也

鳳凰鸞鳥皆戴斨

音戈斨也

又有離朱木

禾栢樹甘水

即醴泉也

聖木

食之令人智聖也

曼兌

未詳

一曰挺木

牙交

淮南作璇樹璇玉類也

開明東有巫彭巫抵巫陽巫履巫凡巫相

皆神醫也世本曰巫

彭作醫楚詞曰帝告巫陽夾窳窳之尸皆操不死之藥以距之為距

却死氣窳窳者蛇身人面貳負臣所殺也

服常樹其上有三頭人伺琅玕樹服常木未詳琅玕子似珠爾雅曰西

北之美者有崑崙之琅玕焉莊周曰有人三頭遞卧遞起以伺琅玕與玕琪子謂此人也

開明南有樹鳥六首蛟蛟似蛇四脚龍類也蝮蛇蝮蛇鳥秩樹

木名於表池樹木言列樹以表池也誦鳥鳥名形鷦鷦也

未詳於表池樹木池即華池也誦鳥鳥名形鷦鷦也

子傳曰爰有白鷦視肉

青鷦音竹筍之筍

山海經第十一終

山海經第十二

晉 郭 璞 傳

明 吳 琯 校

海內北經

海內西北陬以東者

蛇巫之山上有人操杯而東向立一曰龜山杯或作梧字同

西王母梯几而戴勝杖梯謂憑也其南有三青鳥為西王

母取食又有三足鳥主給使在崑崙虛北有人曰大行伯把戈

其東有犬封國昔盤瓠殺戎王高辛以美女妻之不

里地封之生男為狗女為美人是為狗封之國也貳負之尸在大行伯東

犬封國曰犬戎國狀如犬黃帝之後卞明生白犬二頭自相牝牡遂為此國言

也狗國有一女子方跪進杯食與酒也有文馬縞身色白如縞

朱鬣目若黃金名曰吉量良一作乘之壽千歲周書曰犬戎文

馬赤鬣白身目若黃金名曰吉黃之乘成王時獻之六韜曰文身朱鬣眼若黃金項若雞尾名曰雞斯之

乘大傳曰駮身朱鬣雞目山海經亦有吉黃之乘壽千歲者惟名有不同說有小錯其實一物耳今博舉

之以廣異聞也

鬼國在貳負之尸北為物人面而一目一曰貳負神

在其東為物人面蛇身

蚺犬音陶或作蚺音鈎如犬青食人從首始

窮奇狀如虎有翼毛如蝟食人從首始所食被髮在蚺

犬北一曰從足

帝堯臺帝嚳臺帝丹朱臺帝舜臺各二臺臺四方在

崑崙東北此蓋天子巡狩所經過夷狄慕聖人恩德輒共為築立臺觀以標顯其遺跡也一本

云所殺相柳地腥臊不可種五穀以為眾帝之臺

大蓬其狀如螽朱蛾其狀如蛾蛾蚍蜉也楚詞曰玄蜂如壺赤蛾如象謂

此也

嶠其為人虎文脰有脊言脚有膊腸也嶠音橋在窮奇東一曰

狀如人崑崙虛北所有此同上

鬪非人面而獸身青色鬪音

據比一云掾比之尸其為人折頸被髮無一手

環狗其為人獸首人身一曰蝟狀如狗黃色

秣其為物人身黑首從目秣即魅也

戎其為人人首三角

林氏國有珍獸大若虎五彩畢具尾長于身名曰騶

吾乘之日行千里六韜云紂囚文王閔天之徒詰林氏國求得此獸獻之紂大悅乃釋

之周書曰夾林酋耳酋耳若虎尾參於身食虎豹大傳謂之侄獸吾宜作虞也

崑崙虛南所有汜林方三百里

從極之淵深三百仞維冰夷恒都焉冰夷馮夷也淮南云馮夷得道

以潛大川即河伯也穆天子傳所謂河伯無夷者竹書作馮夷字或作冰也冰夷人面乘

兩龍畫四面各乘靈車駕二龍一曰忠極之淵陽汙之山河出其

中凌門之山河出其中皆河之枝源所出之處也

王子夜之尸兩手兩股胷首齒皆斷異處此蓋形解而神連貌

垂而氣合合不為密離不為踈

舜妻登比氏生宵明燭光即二女字也以能光照因名云處河大澤

澤河邊溢漫處二女之靈能照此所方百里言二女神光所燭及者方百里

一曰登北氏

蓋國在鉅燕南倭北倭屬燕倭國在帶方東大海內以女為主其俗露紵衣

服無針功以丹朱塗身不妬忌一男子數十婦也

朝鮮在列陽東海北山南列陽屬燕朝鮮今樂浪縣箕子所封也列

亦水名也今在帶方帶方有列口縣

列姑射在海河洲中山名也山有神人河洲在海中河水所經者箕子所謂藐姑射也

姑射國在海中屬列姑射西南山環之大蟹在海中蓋千里之蟹也

陵魚人面手足魚身在海中

大鯁居海中鯁即魴也音鞭

明組音祖邑居海中

蓬萊山在海中上有仙人宮室皆以金玉為之鳥獸盡白望之如雲在渤海中也

大人之市在海中

山海經第十二終

山海經第十三

晉郭璞傳
明吳瑄校

海內東經

海內東北陬以南者

鉅燕在東北陬

國在流沙中者埽端璽喚埽音敦喚音喚或作繭喚在崑崙虛東

南一曰海內之郡不為郡縣在流沙中

國在流沙外者大夏大夏國城方二三百里分為數十國地和溫宜五穀豎沙

居繇月支之國月支國多好馬美果有大尾羊如驢尾即羴羊也小月支天竺國皆附庸

云繇
音遙

西胡白玉山在大夏東蒼梧在白玉山西南皆在流

沙西崑崙虛東南崑崙山在西胡西皆在西北地里志崑

崑山在臨羌西又有西王母祠也

雷澤中有雷神龍身而人頭鼓其腹在吳西今城陽有堯冢

靈臺雷澤在北也河圖曰大迹在雷澤華胥履之而生伏羲

都州在海中一曰郁州今在東海駒縣界世傳此山自蒼梧從南徙未上皆有南

方物也郁音鬱

琅琊臺在渤海間琅琊之東今琅琊在海邊有山巖堯特起狀如高臺此即

琅琊臺也琅琊者越王勾踐入霸中國之所都其北有山一曰在海間

韓鴈在海中都州南

始鳩在海中轅厲南國名或曰鳥名也

會稽山在大楚南岷三江首

大江出汶山今江出汶山郡升遷縣岷山東南經蜀郡犍為至江陽東北經巴東建平宜都

南郡江夏弋陽安豐至廬江南界東北經淮南下邳至廣陵郡入海北江出曼山南江

出高山高山在城都西入海在長州南

浙江出三天子都在其東按地理志浙江出新安縣南蠻中東入海今錢塘

浙江是也黟即歙也浙音折在閩西北入海餘暨南餘暨縣屬會稽今為永興縣

廬江出三天子都入江彭澤西彭澤今彭蠡也一曰

天子鄣

淮水出餘山餘山在朝陽東義鄉西入海淮浦北今

水出義陽平氏縣桐栢山山東北經汝南汝陰淮南譙國下邳至廣陵縣入海朝陽縣今屬新野

湘水出舜葬東南陬西環之環繞也今湘水出零陵

入洞庭下洞庭地穴也在長沙巴陵今吳縣南大湖中有包山下有洞庭穴道潛行水底云無

所不通號一曰東南西澤為地脉

漢水出鮒魚之山書曰蟠冢導漾東流為漢按水經漢水出武都沮縣東狼谷經漢中

魏興至南鄉東經襄陽至江夏安陸縣入江別為沔水又為滄浪之水帝顓頊葬于陽

九嬪葬于陰四蛇衛之言有四蛇衛守山下

濛水出漢陽西入江聶陽西漢陽縣屬朱提

溫水出崆峒山在臨汾南入河華陽北今溫水在京兆陰盤縣水

常溫也臨汾縣屬平陽

潁水出少室少室山在雍氏南入淮西鄆北今潁水出河南

陽城縣乾山東南經潁川汝陰至淮南下蔡入淮鄆今鄆陵縣屬潁川

一曰緱氏縣屬河南

汝水出天息山在梁勉鄉西南入淮極西北今汝水出南陽

魯陽縣大孟山東北至河南南梁縣東南經襄城潁川汝南至汝陰褒信縣入淮淮極地名一曰淮

在期思北期思縣屬弋陽

涇水出長城北山在郁郅長垣北皆縣名也北入

渭戲北今涇水出安定朝那縣西筭頭山東南經新平扶風至京兆高陵縣入渭戲地名今新豐

也縣

渭水出鳥鼠同穴山東注河入華陰北鳥鼠同穴山今在隴西首

陽縣渭水出其東經南安天水畧陽扶風始平京兆弘農華陰縣入河

白水出蜀而東南注江色微白濁今在梓潼白水縣源從臨洮之西西傾山來經

沓中東流通陰平至漢壽縣入潛入江州城下江州縣屬巴郡

沅水山出象郡鐔城西象郡今日南也鐔城縣今屬武陵音尋入東注

江入下雋西下雋縣今屬長沙音昨充反合洞庭中水經曰沅水出牂牁且蘭

縣又東北至鐔城縣為沅水又東過臨沅縣南又東至長沙下雋縣

贛水出聶都東山今贛水出南康南野縣西北音感東北注江入彭

澤西泗水出吳東北而南西南過湖陵西而東南注

東海入淮陰北今泗水出魯國下縣西南至高平胡陸縣東南經沛國彭城下邳至臨淮

下相縣入淮

鬱水出象郡而西南注南海入須陵東南

肄水出臨晉西南音如肄習之肄而東南注海入番禺西番禺

縣屬南海越之城下也

潢水出桂陽西北山東南注肄水入敦浦西

洛水出洛西山東北注河入成臯之西書云道洛自熊耳按水經

洛水今出上洛冢嶺山東北經弘農至河南鞏縣入河成臯縣亦屬河南也

汾水出上窳北音愈而西南注河入皮氏南今汾水出太原晉陽

故汾陽縣東南經晉陽西南經西河平陽至河東汾陰入河皮氏縣屬平陽

沁水出井陘山東東南注河入懷東南懷縣屬河內河內北有井

山陘

濟水出共山南東丘共與恭同絕鉅鹿澤絕猶截度也鉅鹿今在高平

注渤海入齊琅槐東北今濟水自滎陽卷縣東經陳留至潛陰北東北至高平東

北經濟南至樂安博昌縣入海今碣石也諸水所出又與水經違錯以為凡山川或有同名而異實或同實而異名或一實而數名侶是而非侶非而是且歷代久遠古今變易語有楚夏名號不同未得詳也

潦水出衛臯東出塞外衛臯山玄菟高句驪縣有潦山小潦水所出西河注大潦音遼

東南注渤海入潦陽潦陽縣屬潦東

虜沓水出晉陽城南而西至陽曲北而東注渤海經

間樂城東北注渤海也入越章武北章武郡名

晉陽陽曲縣皆屬大原

漳水出山陽東東注渤海入章武南新城汴陰縣亦有漳水

山海經第十三

山海經第十四

大荒東經

東海之外大壑

詩含神霧曰東注無底之谷謂此壑也離騷曰降土大壑

少昊之

國

少昊金天氏帝摯之號也

少昊孺帝顓頊於此

孺義未詳

棄其琴瑟

言其壑中有琴瑟也

有甘山者甘水出焉生甘淵

水積則成淵也

大荒東南隅有山名皮母地丘

東海之外大荒之中有山名曰大言日月所出有波

谷山者有大人之國

晉永嘉二年有鷺鳥集于始安縣南廿里之鷺陂中民周虎張

得之木矢貫之鐵鏃其長六尺有半以箭計之其射者人身應長一丈五六尺也又平州別駕高會語云倭國人嘗行遭風吹度大海外見一國人皆長丈餘形狀倍胡蓋是長翟別種箭殆將從此國來也外傳曰焦僂人長三尺短之至也長者不過十丈數之極也按河圖玉版曰從崑崙以北九萬里得龍伯國人長三十丈生萬八千歲而後從崑崙以東得大秦人長十丈皆衣帛從此以東十萬里得仙人國長三十丈五尺從此以東十萬里得中秦國人長一丈穀梁傳曰長翟身橫九畝載其頭眉見於軾即長數丈人也秦時大人見臨兆身長五丈脚跡六尺準斯以言則此大人之長短未可得限度也

有大人之市名曰大人之堂亦山名形狀如堂室耳大人時集會其上作市也

有一大人踰其上張其兩耳踰或作俊皆古尊字莊子曰踰於會稽也

有小人國名靖人詩含神霧曰東北極有人長九寸殆謂此小人也或作埽音同有

神人面獸身名曰犁靄之尸音靈

有滴山楊水出焉音如譎詐之譎

有薦國黍食言此國中惟有黍穀也薦音口偽反使四鳥虎豹熊羆

大荒之中有山名曰合虛日月所出有中容之國帝

俊生中容俊亦舜字假借音也中容人食獸木實此國中有赤木玄木其華

實美見呂氏春秋使四鳥豹虎熊羆

有東口之山有君子之國其人衣冠帶劔亦使虎豹好謙讓也

有司幽之國帝俊生晏龍晏龍生司幽司幽生思士

不妻思女不夫言其人直思感而氣通無配合而生子此莊生所謂白鵠相視眸子不運

而感風化之類也食黍食獸是使四鳥有大阿之山者

大荒中有山名曰明星日月所出

有白民之國帝俊生帝鴻帝鴻生白民白民銷姓黍

食使四鳥虎豹熊羆又有乘黃獸乘之以致壽考也

有青丘之國有狐九尾太平則出而為瑞也有柔僕民是維羸

土之國羸猶沃衍也音盈有黑齒之國齒如漆也帝俊生黑齒聖人

神化無方故其後世所降育多有殊類異狀之人諸言生者多謂其苗裔未必是親所產姜姓黍

食使四鳥有夏州之國有蓋余之國有神人八首人

面虎身十尾名曰天吳水伯

大荒之中有山名曰鞠陵于天音菊東極離瞿三山名也音穀

啓日月所出名曰折丹神東方曰折單吁來風曰俊

未詳來風所在也處東極以出入風言此人能節宣風氣時其出人

東海之渚中渚島有神人面鳥身珥兩黃蛇貫耳以蛇踐兩

黃蛇名曰禺虺黃帝生禺虺禺虺生禺京即禺疆也禺京

處北海禺虺處東海是惟海神言分治一海而為神也虺一本作號

有招搖山融水出焉有國曰玄股自辭以黍食使四

鳥有困民國勾姓而食有人曰王亥兩手操鳥方食

其頭王亥託于有易河伯僕牛河伯僕牛皆人姓名託寄也見汲郡竹書

有易殺王亥取僕牛竹書曰殷王子亥賓于有易而淫焉有易之君綿臣殺而放之

是故殷主甲微假師于河伯以伐有易滅之遂殺其君綿臣也河念有易有易潛出

為國於獸方食之名曰搖民言有易本與河伯友善上甲微殷之賢王假師

以義伐罪故河伯不得不助滅之暨而帝舜生戲戲

哀念有易使得潛化而出化為搖民國名曰女丑即女丑之尸言其變

化無常也然則一以涉化津而遯神域者亦無往而

丑有大蟹廣干里也

大荒之中有山名曰孽搖頽羝上有扶木柱三百里

其葉如芥柱猶起高也有谷曰溫源谷溫原即湯谷也

上有扶木扶桑在上一日方至一日方出言交會相代也皆載于

鳥中有三足鳥有神人面大耳獸身珥兩青蛇名曰奢比

尸有五彩之鳥相鄉棄沙未聞沙義惟帝俊下友亦未聞也帝

下兩壇彩鳥是司言山下有舜二壇五彩鳥主之

大荒之中有山名曰猗天蘇門日月所生有堯民之

國音如誼諱之誼有綦山音思又有搖山有醴山音如金醴之醴又有

門戶山又有盛山又有待山有五彩之鳥

東荒之中有山名曰壑明俊疾日月所出有中容之

國東北海外又有三青馬三騅馬蒼白雜毛為騅甘華爰有

遺玉三青鳥三騅視肉聚肉有眼甘華甘祖百穀所在言自

有女和月母之國有人名曰臯音婉北方曰臯來之風

曰狻言亦有兩名也音剡是處東極隅以止日月使無相間出

沒司其短長言臯主察日月出入不令得相間錯知景之短長

大荒東北隅中有山名曰凶犁土丘應龍處南極應龍

龍有翼者也殺蚩尤與夸父蚩尤作兵者不得復上應龍遂住地下故

下數旱上無復作雨者故也旱而為應龍之狀乃得大雨今之土龍

本此氣應自然冥感非人所能為也

東海中有流波山入海七千里其上有獸狀如牛蒼

身而無角一足出入水則必風雨其光如日月其聲

如雷其名曰夔黃帝得之以其皮為鼓檝以雷獸之

骨雷獸即雷神也人面龍身鼓其腹者檝猶擊也聲聞五百里以威天下

山海經第十四

山海經第十五

晉郭璞傳

明吳瑄校

大荒南經

南海之外赤水之西流沙之東赤水出崑崙山流沙出鍾山也有獸

左右有首名曰跂踴出狹名國黜揚兩音有三青獸相并名曰

雙雙言體合為一也公羊傳所云雙雙而俱至者蓋謂此也

有阿山者南海之中有汜天之山赤水窮焉流極於此山也

赤水之東有蒼梧之野舜與叔均之所葬也叔均商均也舜

巡狩歿於蒼梧而葬之商均因爰有文貝即紫貝也離俞

即離 鳴久即鵠 鷹賈賈亦鷹屬 委維即委蛇也 熊羆象虎豹狼

視肉

有榮山榮水出焉黑水之南有玄蛇食麀今南山蛇 蟬亦

類此

有巫山者西有黃鳥帝藥八齋天帝神仙藥在此也 黃鳥於巫

山司此玄蛇言主之也

大荒之中有不庭之山榮水窮焉有人三身帝俊妻

娥皇生此三身之國蓋後裔所出也 姚姓黍食使四鳥姚舜姓也

有淵四方四隅皆達言淵四角皆旁通也 北屬黑水南屬大荒

屬猶連也 北旁名曰少和之淵南旁名曰從淵音驄馬 舜

之所浴也言舜嘗在此中澡浴也

又有成山甘水窮焉甘水出甘山極此中也 有季禹之國顓頊

之子食黍言此國人顓頊之裔子也 有羽民之國其民皆生毛羽

有卵民之國其民皆生卵即卵生也

大荒之中有不姜之山黑水窮焉黑水出崑崙山 又有賈山

汜水出焉又有言山又有登備之山即登葆山羣巫所從上下者也

有憇憇之山音如券契之契 又有蒲山澧音禮 水出焉又有隗

山音如隗 其西有丹其東有玉又南有山漂水出焉

音 有尾山有翠山言此山有翠鳥也

有盈民之國於姓黍食又有人方食木葉

有不死之國阿姓甘木是食甘木即不死樹食之不老

大荒之中有山名曰去瘞南極果北不成去瘞果音如

風瘞之瘞未詳

南海渚中有神人面珥兩青蛇踐兩赤蛇曰不廷胡

余神名有神名曰因因乎南方曰因乎夸風曰乎民

亦有二名處南極以出入風

有襄山又有重陰之山有人食獸曰季釐帝俊生季

釐故曰季釐之國有緡淵音昏少昊生倍伐倍伐降處

緡淵有水四方名曰俊壇水狀似土壇因名舜壇也

有載民之國為人黃色帝舜生無淫降載處是謂巫載民

巫載民盼姓食穀不績不經服也言自然有布帛也不稼不

穡食也言五穀自生也種之為稼收之為穡爰有歌舞之鳥鸞鳥自歌

鳳鳥自舞爰有百獸相羣爰處百穀所聚

大荒之中有山名曰融天海水南入焉有人曰鑿齒

羿殺之射殺之也

有蚺山者有蚺民之國音惑桑姓食黍射蚺是食蚺短

俗鼈含沙射人中之則病有人方扞弓射黃蛇扞挽也音

此山出之亦以名云名曰蚺人

有宋山者有赤蛇名曰育蛇有木生山上名曰楓木

楓木蚩尤所棄其桎梏蚩尤為黃帝所得械而殺之巴摘葉其械化而為樹也

是謂楓木

即今楓香樹

有人方齒虎尾名曰祖狀之尸

音如

祖梨之祖

有小人名曰焦僥之國

皆長三尺

幾姓嘉穀是食

大荒之中有山名矽塗之山

音朽

青水窮焉

青水出崑崙

有

雲雨之山有木名曰欒禹攻雲雨

攻謂槎伐其林木

有赤石

焉生欒

言山有精靈復變生此木於赤石之上

黃木赤枝青葉羣帝焉

取藥

言樹花實皆為神藥

有國曰顓頊生伯服食黍有馳姓之國

音如橘柚之柚

有茗

山又有宗山又有姓山又有壑山又有陳州山又有

東州山又有白水山白水出焉而生白淵昆吾之師

所浴也

昆吾古王者號音義曰昆吾山名谿水內出善金二文有異莫知所辨測

有人名

曰張弘在海上捕魚海中有張弘之國

或曰即奇肱人疑非食

魚使四鳥有人焉鳥喙有翼方捕魚於海

大荒之中有人名曰驩頭鯀妻士敬士敬子曰炎融

生驩頭驩頭人面鳥喙有翼食海中魚杖翼而行

可以飛倚杖之用行而已

維空芑芑穆楊是食

管子說地所空云其種穆和黍皆

禾類也昔黑黍今字作秣旁起秣虬三音

有驩頭之國

帝堯帝嚳帝舜葬於岳山

即秋山也

爰有文貝離兪鳩久

鷹賈延維視肉熊羆虎豹朱木赤枝青華玄實有申

山者

大荒之中有山名曰天臺高山海水入焉

東南海之外甘水之間有羲和之國有女子名曰羲

和方日浴於甘淵羲和蓋天地始生主日月者也故啓筮曰空桑之蒼蒼八極之既張

乃有夫羲和是主日月職出入以爲晦明又曰瞻彼上天一明一晦有夫羲和之子出于陽谷故堯因此

而立羲和之官以主四時其後世遂爲此國作日月之象而掌之沐浴運轉之於甘水中以効其出入湯

谷虞淵也所謂世不失職耳羲和者帝俊之妻生十日言生十子各以日名

名之故言生十日數十也

有蓋猶之山者其上有甘柎枝幹皆赤黃葉白華黑

實東又有甘華枝幹皆赤黃葉有青馬有赤馬名曰

三騅有視肉有小人名曰菌人音如朝菌之菌有南類之山

爰有遺玉青馬三騅視肉甘華百穀所在

山海經

山海經第十五

山海經第十六

大荒西經

晉郭璞傳
明吳瑄校

西北海之外大荒之隅有山而不合名曰不周負子

淮南子曰管者共工與顓頊爭帝怒而觸不周之山天維絕地柱折故今此山缺壞不周匝也有兩

黃獸守之有水曰寒暑之水水西有濕山水東有慕

山音莫有禹攻共工國山言攻其國殺其臣相柳於此山啓筮曰共工人面蛇身朱

髮也

有國名曰淑士顓頊之子言亦出自高陽氏也有神十人名曰

女媧之腸或作女媧之腹化為神處栗廣之野女媧古神女而帝者人面

蛇身一日中七十變其腹化為此神栗廣野名媧音瓜橫道而處言斷道也有人名

曰石夷來風曰韋來或作本也處西北隅以司日月之長

短言察日月畧度之節有五彩之鳥有冠名曰狂鳥爾雅云狂夢鳥即此

也 有大澤之長山有白氏之國

西北海之外赤水之東有長脰之國脚長三丈有西周之

國姬姓食穀有人方耕名曰叔均帝俊生后稷俊空為馨

均是代其父及稷播百穀始作耕有赤國妻氏有雙

山

西海之外大荒之中有方山者上有青樹名曰柜格

之松木名音矩日月所出入也

西北海之外赤水之西有先民之國食穀使四鳥有

北狄之國黃帝之孫曰始均始均生北狄有芒山有

桂山有榑山此山多桂及榑木因名云耳其上有人號曰太子長

琴顓頊生老童世本云顓頊娶于滕璜氏謂之女祿產老童也老童生祝融

即童黎也高辛氏人正號曰祝融也祝融生太子長琴是處榑山始作

樂風創制樂風曲也有五彩鳥三名一曰皇鳥一曰鸞鳥一

曰鳳鳥有蟲狀如菟曾以後者裸不見言皮色青故不見其裸露

處青如猿狀狀又侶猿

大荒之中有山名曰豐沮玉門日月所入有靈山巫

咸巫卽巫盼巫彭巫姑巫真巫禮巫抵巫謝巫羅十

巫從此升降百藥爰在羣巫上下此山采之也

西有王母之山壑山海山皆羣大靈之山有沃之國言其土饒沃也

沃民是處沃之野鳳鳥之卵是食甘露是飲凡其所

欲其味盡存言其所願滋味此無所不備爰有甘華甘祖白柳視

肉三騅璇瑰瑤碧玳瑰亦玉名穆天子傳曰枝斯璿瑰枚回二音白木琅玕

樹色正白今南方有文木亦黑木也白丹青丹又有黑丹也孝經援神契曰王者德至山陵而

黑丹出然則丹者別是彩名亦猶黑白黃皆云丹也多銀鐵鸞鳥自歌鳳鳥自

舞爰有百獸相羣是處是謂沃之野有三青鳥赤首

黑目一名曰大鷲一名少鷲音黎一名曰青鳥皆西王母所使

也神之有軒轅之臺射者不敢西嚮射畏軒轅之臺敬難黃帝

大荒之中有龍山日月所入有三澤水名曰三淖昆

吾之所食也穆天子傳曰滔水濁繇氏之所食亦此類也有人衣青以袂

蔽面袂袖名曰女丑之尸有女子之國王頎至沃沮國盡東界間其耆

老曰國人在大海上純女無男即此國也有桃山有蚩山有桂山有于土山有丈夫之國其國無婦

有弇州之山五彩之鳥仰天張口名曰鳴鳥爰有百

也人

有弇州之山五彩之鳥仰天張口名曰鳴鳥爰有百

也人

山海經卷之六

樂歌儻之風

爰有百種伎樂歌儻風曲

有軒轅之國

其人人面蛇身江山

之南棲為吉

即窮山之際也山居為棲吉者言無凶天

不壽者乃八百歲

壽者數千歲

西海階中有神人面鳥身珥兩青蛇踐兩赤蛇名曰

弇茲

大荒之中有山名曰日月山天樞也吳姬天門日月

所入有神人面無臂兩足反屬於頭山名曰噓

言噓啼也

顓頊生老童老童生重及黎

世本云老童娶于根水氏謂之驕福產重及黎

帝令重獻上天令黎印下地

古者人神雜擾無別顓頊乃命南正重司天以

屬神命火正黎司地以屬民重實上天黎實下地獻印義未詳也

下地是生噎處於

西極以行日月星辰之行次

主察日月星辰之度數次舍也

有人反臂名曰天虞

即尸也

有女子方浴月帝俊妻常

羲生月十有二此始浴之

羲與羲和浴日司

有玄丹之山

出

丹也有五色之鳥人面有髮爰有青鸞

音音黃鸞青鳥

黃鳥其所集者其國亾有池名孟翼之攻顓頊之池

孟翼人姓名

大荒之中有山名曰鑿鑿鉅

鑿音如敖

日月所入者有獸

左右有首名曰屏蓬

即并封也語有輕重耳

有巫山者有壑山

者有金門之山有人名曰黃姬之尸有比翼之鳥有

白鳥青翼黃尾玄喙

奇鳥

有赤犬名曰天犬其所下者

有兵周書云天狗所止地盡傾餘光燭天為流星長十數丈其疾如風其聲如雷其光如電吳楚七國反時吠過梁國者是也

西海之南流沙之濱赤水之後黑水之前有大山名曰崑崙之丘有神人面虎身有文有尾皆白處之其言

尾以白為點駁其下有弱水之淵環之其水不勝鴻毛其外有炎火

之山投物輒然今去扶南東萬里有耆薄國東復五千里許有火山國其山雖霖雨火常然火中有白鼠時出山邊求食人捕得之以毛作布今之火澣布是也即此山之類有人戴勝

虎齒有豹尾穴處名曰西王母河圖玉版亦曰西王母居崑崙之山西山經曰西王母居玉山穆天子傳曰乃紀名迹于弇山之石曰西王母之山也然則西王母雖以崑崙之宮亦自有離宮別窟遊息之處不專住此山萬物盡有一山也故記事者各舉所見而言之

大荒之中有山名曰常陽之山日月所入

有寒荒之國有二人女祭女葳或持解或持俎

有壽麻之國呂氏春秋曰南服壽麻北懷關耳

南嶽娶州山女名曰女虔女虔生季格季格生壽麻

壽麻正立無景疾呼無嚮言其稟形氣有異於人也列仙傳曰玄俗無景爰

有大暑不可以往言熱炙殺人也有人無首操戈盾立名曰

夏耕之尸亦行天尸之類故成湯伐夏桀于章山克之于章山名

斬耕厥前頭亦在前者耕既立無首走厥咎逃避罪也乃降於

巫山自竄于巫山巫山今在建平巫縣

有人名曰吳回奇左是無右臂即奇肱也吳回祝融弟亦為火正也

有蓋山之國有樹赤皮支幹青葉名曰朱木或作朱威木也

有一臂民北極下亦有一脚人見河圖玉版

大荒之中有山名曰大荒之山日月所入有人焉三

面是顓頊之子三面一臂無左臂也三面之人不言人頭三

復各有一破船隨波出在海岬邊上有一人項中復有

面與語不解了不食而死此是兩面是謂大荒之野

西南海之外赤水之南流沙之西有人珥兩青蛇乘

兩龍名曰夏后開開上三嬪于天嬪婦也言獻美女于天帝得九

辯與九歌以下皆天帝樂名也開登天而竊以下用之也開筮曰昔彼九冥是與帝辯同

宮之序是為九歌又曰不得竊辯與九歌以國于下義具見于歸藏此穆天之野高二

千仞竹書曰顓頊產伯鯀是維若陽居天穆之陽也開焉得始歌九招竹書曰夏后開舞九招也

有互人之國人面魚身炎帝之孫炎帝神農名曰靈越音如券契之契

靈越生互人是能上下于天言能乘雲雨也有魚偏枯名曰

魚婦顓頊死即復蘇言其人能變化也風道北來天乃大水

泉言泉水得風暴溢出道猶從也蛇乃化為魚是謂

魚婦顓頊死即復蘇淮南子曰后稷龍在建木西其

有青鳥身黃赤足六首名曰觸鳥音觸有大巫山有金

之山西南大荒之中隅有徧勾常羊之山

按夏后開即啓避漢景帝諱云

山海經第十六

山海經第十七

大荒北經

晉郭璞傳
明吳瑄校

東北海之外大荒之中河水之間附禺之山帝顓頊

與九嬪葬焉此皆殊俗義所作冢爰有鷓鴣久文具離俞鸞鳥凰

鳥大物小物言備有也有青鳥琅鳥玄鳥黃鳥虎豹熊羆

黃蛇視肉璿瑰瑤碧皆出衛於山在其山邊也丘方圓三

百里丘南帝俊竹林在焉大可為舟言舜林中竹一節則可以為船

也竹南有赤澤水水色赤也名曰封淵封亦大也有三桑無枝

皆高丘西有沉淵顓頊所浴

有胡不與之國一國復名耳今胡夷語皆通然烈姓黍食

大荒之中有山名曰不咸有肅慎氏之國今肅慎國去遼東三千餘里穴居無衣衣猪皮冬以膏塗體厚數分用却

風寒其人皆工射弓長四尺勁彊箭以楛為之長尺五寸青石為鏑此春秋時隼集陳侯之庭所得矢也

晉大興三年平州刺史崔恣遣別駕高會使來獻肅慎氏之弓矢箭鏑有佀銅骨作者問云轉與海內國

通得用此今名之為挹婁國出好貂赤玉豈從海外轉而至此乎後漢書有蜚蛭四翼兩音有蟲獸首蛇

身名曰琴蟲亦蛇類也有人名曰大人有大人之國釐姓

黍食有大青蛇黃頭食塵今南方蚺蛇食鹿鹿亦塵屬也有榆山有

縣攻程州之山皆因其事而名物也

大荒之中有山名曰衡天有先民之山有槃木千里

有叔歎國音作感反音觸顓頊之子黍食使四鳥虎豹

熊羆有黑蟲如熊狀名曰猎猎或作獵音夕同有北齊之國

姜姓使虎豹熊羆

大荒之中有山名曰先檻大逢之山河濟所入海北

注焉河濟注海已復出海外入此山中也其西有山名曰禹所積石有

陽山者有順山者順水出焉

有始州之國有丹山此山純出丹朱也竹書曰和甲西征得一丹山今所在亦有丹

山丹出土穴中

有大澤方千里羣鳥所解穆天子傳曰北至廣原之野飛鳥所解其羽乃於此

獵鳥獸絕羣載羽百車竹書亦曰穆王北有毛民之

國其生人面體依姓食黍使四鳥禹生均國均國生役

采一作來役采生修鞞音如單修鞞殺綽人名帝念之

潛為之國潛密用是此毛民

有儋耳之國任姓其人耳大下儋垂在肩上朱崖禹

號子食穀北海之渚中言在海島中種粟有神人面

鳥身珥兩青蛇踐兩赤蛇名曰禺彊

大荒之中有山名曰北極天櫃音海水北注焉有神

九首人面鳥身名曰九鳳又有神銜蛇操蛇其狀虎

首人身四蹄長肘名曰彊良亦在畏

大荒之中有山名曰成都載天有人珥兩黃蛇把兩

黃蛇名曰夸父后土生信信生夸父夸父不量力欲

追日景逮之於禺谷禺淵日所入捋飲河而不足也

將走大澤未至歿于此渴應龍已殺蚩尤又殺夸父

乃去南方處之故南方多雨言龍水物以又有無腸

之國是任姓為人無繼子食魚謂繼亦當作膺共工臣

名曰相繇相柳也語九首蛇身自環言轉食于九土

其所歛所尼歛嘔猶噴即為源澤言多不辛乃

苦言氣百獸莫能處之言畏禹湮洪水殺相繇禹塞洪

水由以

溺殺其血腥臭不可生穀其地多水不可居也言其膏血

澗水也禹湮之三仞三沮言禹以土塞地陷壞也乃以為池羣

帝是因以為臺地下空積土故衆帝因來在此共作臺在崑崙之北有

岳之山尋竹生焉尋大竹名

大荒之中有山名曰不旬海水入焉有係昆之山者

有共工之臺射者不敢北嚮言畏之也有人衣青衣名曰

黃帝女魃音如旱蚩尤作兵伐黃帝黃帝乃令應龍

攻之冀州之野冀州中土也黃帝亦教虎豹熊羆以與炎帝戰于阪泉之野而滅之見史記

應龍畜水蚩尤請風伯雨師縱大風雨黃帝乃下

天女曰魃雨止遂殺蚩尤魃不得復上所居不雨旱氣

在也叔均言之帝後置之赤水之北遠徙之也叔均乃為田

祖主田之官詩云田祖有神魃時亾之畏見也所欲逐之者令曰神

北行向水也先除水道決通溝瀆言逐之必得雨故見先除水道今之逐魃

是也有人方食魚名曰深目民之國盼姓食魚亦胡類但眼絕深黃

帝時有鍾山者有女子衣青衣名曰赤水女子獻神女也

大荒之中有山名曰融父山順水入焉有人名曰犬

戎黃帝生苗龍苗龍生融吾融吾生弄一作明弄明

生白犬白犬有牝牡言自相配合也是為犬戎肉食有赤獸

山海經

馬狀無首名曰戎宣王尸犬戎之神名也

有山名曰齊州之山君山鷲山音鮮野山魚山有人

一目當面中生一曰是威姓少昊之子食黍有繼無

民繼無民任姓無骨子食氣魚言有無骨人也尸子曰徐偃王有筋無骨

西北海外流沙之東有國曰中輪顛頊之子食黍有

國名曰賴丘有犬戎國有神人面獸身名曰犬戎

西北海外黑水之北有人有翼名曰苗民三苗之民顛頊

生驩頭驩頭生苗民苗民釐姓食肉有山名曰章山

大荒之中有衡石山九陰山洞野之山上有赤樹青

葉赤華名曰若木生崑崙西附西極其華光赤下照地有牛黎之國有

人無骨儋耳之子儋耳人生無骨子也

西北海之外赤水之北有章尾山有神人面蛇身而

赤身長千里直目正乘直目目從也其瞑乃晦其視乃明

言視為晝不食不寢不息風雨是謁言能請是燭九

陰照九陰之是謂燭龍離騷曰日安不到燭龍何耀

有陰陽消息故有龍銜精以往照天門中云淮南子曰蔽于委羽之山不見天日也

山海經第十七

山海經第十八

海內經

晉郭璞傳
明吳琯校

東海之內北海之隅有國名曰朝鮮天毒其人水居

朝鮮今樂浪郡也天毒即天竺國貴道德有文書金銀錢貨浮屠出此國中也晉大興四年天竺胡王獻珍儂人愛之儂亦愛也音隱儂反

西海之內流沙之中有國名曰壑市音郝

西海之內流沙之西有國名曰汜葉音如汜濫之汜

流沙之西有鳥山者三水出焉三水同出一山也爰有黃金

璿瑰丹貨銀鐵皆流于此中言其中有雜珍奇寶也又有淮山好水出焉

流沙之東黑水之西有朝雲之國司彘之國黃帝妻雷祖生昌意世本云黃帝娶于西陵氏之子謂之纁祖產青陽及昌意昌意降處

若水生韓流竹書云昌意降居若水產帝乾荒乾荒即韓流也生帝顓頊渠車輞言首謹耳擢首長咽人面豕喙麟身渠股脚也大傳曰韓流擢

大如豚止足取淖子曰阿女生帝顓頊世本云顓頊母濁山氏之昌僕

流沙之東黑水之間有山名不灰之山即員丘也華山青水之東有山名曰肇山有人名曰柏高柏子高也柏高

上下於此至于天言翱翔雲天往來此山也

西南黑水之間有都廣之野后稷葬焉其城方三百里蓋天下之

中素女所出也離騷曰絕都廣野而直指號爰有膏菽膏稻膏黍膏稷言好皆滑如膏外傳曰膏百穀自生冬夏播琴播琴猶

俗言鸞鳥自歌鳳鳥自儻靈壽實華靈壽木名也草木所聚在此叢爰有百獸相羣爰處於此此草也冬

夏不灰

南海之內黑水青水之間有木名曰若木樹赤華青若水

出焉有禺中之國有列襄之國有靈山有赤蛇在木

上名曰蝮蛇木食音不食禽獸也音如奕弱之奕

有鹽長之國有人焉鳥首名曰鳥氏今佛書中有此人即鳥夷也

有九丘以水絡之絡猶繞也名曰陶唐之丘陶唐堯號有叔得

之丘孟盈之丘昆吾之丘此山出名金也尸黑白之

丘赤望之丘參衛之丘武夫之丘此山出美石神民之丘

言上有神人有木青葉紫莖玄華黃實名曰建木百仞無

枝有九橚枝回曲也音如斤斲之斲下有九枸根盤錯也淮南子曰木大則根攪音

劬其實如麻子也其葉如苾苾木似棠梨也大皞爰過言庖

此經過也黃帝所為言治護之也有窳窳龍首是食人在弱水中有

青獸人面名曰猩猩能言

西南有巴國今三巴是大皞生成鳥咸鳥生乘釐乘釐生

後照後照是始為巴人為之始祖有國名曰流黃辛氏即

也其域中方三百里其出是塵土言殷盛也有巴遂山澠

水出焉又有朱卷之國有黑蛇青首食象即巴蛇也

南方有贛巨人即臯陽也音感人面長臂黑身有毛反踵見

人笑亦笑唇蔽其面因即逃也又有黑人虎首鳥足

兩手持蛇方啗之

有羸民鳥足音盈有封豕大猪也弄射殺之有人曰苗民三苗民也

有神焉人首蛇身長如轅大如車轂左右有首岐衣

紫衣冠旃冠名曰延維委蛇人主得而饗食之伯天下

齊桓公出田於大澤見之遂有鸞鳥自歌鳳鳥自舞

鳳鳥首文曰德翼文曰順膺文曰仁背文曰義見則
天下和言和平也又有青獸如菟名曰菌狗音如朝有翠
鳥有孔鳥孔雀也

南海之內有衡山嶽南有菌山音芝菌有桂山或云衡山有菌

桂桂員侶竹見本草有山名三天子之都一本三天子之鄣山

南方蒼梧之丘蒼梧之淵其中有九嶷音疑山舜之所

葬在長沙零陵界中山今在零陵營道縣南其山九嶷皆相侶故云九疑古者總名

其地為蒼梧也北海之內有蛇山者蛇水出焉東入于海有

五彩之鳥飛蔽一鄉漢宣帝元康元年五色鳥以萬數過蜀都即此鳥也名曰

翳鳥鳳屬也離騷曰翳玉虬而乘翳又有不距之山巧倕葬其西倕堯

巧工也音端

北海之內有反縛盜械帶戈常倍之佐名曰相顧之

尸亦貳負臣危之類伯夷父生西岳西岳生先龍先龍是始

生氏羌氏羌乞姓伯夷父顓頊師今氏羌其苗裔也

北海之內有山名曰幽都之山黑水出焉其上有玄

鳥玄蛇玄豹玄虎黑虎名儵見爾雅玄狐蓬尾蓬叢也阻雷反說苑曰蓬

狐文豹之皮有大玄之山有玄丘之民言丘上人物盡黑也有大幽

之國即幽民也穴居無衣有赤脰之民膝已下正赤色

有釘靈之國其民從膝已下有毛馬蹄善走詩合神霧曰馬

蹄自鞭其蹄日行三百里

炎帝之孫伯陵伯陵同吳權之妻阿女緣婦同猶通

也吳權人姓名緣婦孕三年孕讓身也是生鼓延受始為侯三名也

殊受音鼓延是始為鍾世本云母句作鑿鍾為樂風作樂之曲制

黃帝生駱明駱明生白馬白馬是為鯀即禹父也世本曰黃帝生

昌意昌意生顓頊顓頊生鯀帝俊生禹號禹號生淫梁淫梁生番

禹是始為舟世本云共鼓貨狄作舟番禺生奚仲奚仲生吉光

吉光是始以木為車世本云奚仲作車此言吉光明其父子共創作意是以互稱之

少皞生般音班般是始為弓矢世本云牟夷作矢揮作弓一器作者兩人

於義有疑此言般之作是帝俊賜羿彤弓素矰彤弓朱弓矰矢名

白羽之矰望之如茶也以扶下國言令羿以射道除患扶助下國羿是始去恤

下地之百艱言射殺鑿齒封豕之屬也帝俊生晏

龍晏龍是為琴瑟世本云伏羲作琴神農作瑟帝俊有子八人是

始為歌舞帝俊生三身三身生義均義均是始為巧

倕是始作下民百巧后稷是播百穀稷之孫曰叔均

是始作牛耕始用牛犁大比赤陰或作音是始為國得封禹為國

縣是始布土均定九州布猶敷也書曰禹敷土定高山大川炎帝之妻

赤水之子聽訖生炎居炎居生節節並生戲器戲

器生祝融祝融高辛氏火正號祝融降處于江水生共工共工

生術器術器首方顛頭頂平也是復土穰以處江水復祝融之

也所共工生后土后土生噎鳴噎鳴生歲十有二生十子

皆以歲名名之故云然 **洪水滔天** 滔漫也 **鯀竊帝之息壤以堙洪**

水 息壤者言土自長息無限故可以塞洪水也開筮

日滔滔洪水無所止極伯鯀乃以息石息壤以填

洪水漢元帝時臨淮徐縣地踊長 **不待帝命帝令祝**

五六里高二丈即息壤之類也

融殺鯀于羽郊 羽山郊 **鯀復生禹** 開筮曰鯀成三歲不

腐剖之以吳刀化為

黃龍也 **帝乃命禹卒布土以定九州** 鯀績用不成故

復命禹終其功

山海經第十八



程